

**Zahrain minta Nik Aziz nafi secara terbuka**  
**Malaysiakini.com**  
**August 2, 2011**

Mursyidul Am PAS Datuk Nik Abdul Aziz Nik Mat diminta menafikan secara terbuka penglibatan beliau dalam agenda mencari pengganti Datuk Seri Anwar Ibrahim sebagai ketua pembangkang.

"Saya mencabar beliau untuk membuat kenyataan secara terbuka bahawa beliau tidak berjumpa Ku Li dan mempelawa Ku Li memimpin pakatan pembangkang," kata ahli parlimen Bebas kawasan Bayan Baru, Datuk Seri Zahrain Mohamed Hashim, ketika mengulas laporan bahawa pakatan pembangkang cuba memujuk anggota parlimen Gua Musang daripada BN, Tengku Razaleigh Hamzah, menjadi ketua pembangkang.

Zahrain berkata isu sebenarnya bukan mengenai pemilihan Tengku Razaleigh sebagai pengganti Anwar sebaliknya ia mencerminkan keraguan pemimpin-pemimpin kanan pakatan pembangkang terhadap kredibiliti Anwar.

Beliau berkata rakyat harus tahu tindakan mencari pengganti Anwar adalah petunjuk jelas bahawa pemimpin Pas dan DAP sedar Anwar adalah satu bebanan kepada kelangsungan politik mereka.

- Bernama